

2019

AÑA DI FAMILIA  
Y DI CUIDO DI NOS  
MUCHANAN

ISLA(•)NLINE

Diamars 30 April 2019

Email: [prensa@arubagovernment.aw](mailto:prensa@arubagovernment.aw) Tel: 528-4900

CU PERSEVERANCIA  
PA NOS ISLA



GOBIERNO DI ARUBA



Isla Online  
Noticia Di Gobierno




**MINISTER EVELYN WEVER-CROES**
**Prome Minister di Aruba**

## DESAROYO NOBO NA VENEZUELA

Dia a habri cu informacion di un golpe di estado. Presidente interino Juan Guaido y lider di oposicion Leopoldo Lopez, kende tabata den huisarrest, tabata mainta trempa hunto cu un grupo di militar na e base militar na La Carlota, Caracas. Nan ta haci un yamada pa pueblo y militarnan pa subi caya y a indica cu e ultimo fase di e regimen Maduro a cuminsa y cu nan tin e militarnan na nan banda.

Di otro banda Minister Jorge Rodriguez, lider di partido Cabello y lider militar Padrino Lopez, a indica cu tabata tin un intento di golpe di estado cu no lo a haya hopi sosten y nan a haci un yamado na comunidad pa subi caya y manifesta contra e golpe di estado.

Den e enfrentamentonan aki a haci uzo di gasnan lagrimogeno y poco poco cayanan ta yenando cu hende. Regimen Maduro a purba baha tur medionan social y ta dificil pa sigui exactamente kico ta socediendo na Venezuela.

"Gobierno di Aruba ta siguiendo e desaroyonan y na e momentonan aki no tin motibo pa panico na Aruba. Nos lo sigui suministra informacion na comunidad. Mientras tanto ban tene e pueblo di Venezuela den oracion y pensamiento", Prome Minister Evelyn Wever-Croes a expresa.

Mientras tanto tambe, e consejo di biahe di Reino pa Venezuela ta keda pa no biaha pa Venezuela si no tin nesecidad pa biaha pa Venezuela.

## CONSEJO DI REINO Y DI GOBIERNO DI ARUBA ENCUANTO VENEZUELA PA E PROXIMO DIANAN


**GOBIERNO DI ARUBA**

### BIAHE:

1. No biaha pa Venezuela si no ta necesario
2. No biaha na e frontera di Colombia of Brazil
3. No keda den e Estadonan Zulia, Tachira, Barinas, Apure y Amazonas
4. Keda na Venezuela solamente si ta necesario

### SI BO TA NA VENEZUELA:

1. No subi caya si no tin mester
2. Laga bo famia/amistadnan sa unda bo ta
3. Sigui noticianan di Venezuela
4. Registra na Embahada di Reino

### BO MESTER AYUDO?

Tuma contacto cu Embahada di Reino  
via +31 247 247 247, of via Twitter @247BZ





## Plan Integral pa atende casonan di abuso sexual

- decreto pa introduci 'meldcode' entrante 1 juni 2019 a wordo firma: obligacion pa profesionalnan raporta casonan di abuso sexual. Ta trata di docter, maestro y otro profesionalnan cu sospecha cu tin caso di abuso sexual y cu te awo no por a raporta esaki pa motibo di e 'beroepsgeheim'.
- lo cambia ley pa bin cu castigonan mas halto, den algun caso lo redobla e castigonan
- lo introduci castigonan minimo
- lo introduci exigencia pa Ministerio Publico standaard, exige castigonan mas halto
- lo cambia ley pa e prisionero cu wordo condena pa abuso sexual, no ta bin na remarke pa sali mas trempan for di prison (vi)
- lo evalua pa haci cambionan den ley pa publica number y potret di abusadornan sexual riba un 'offenderslist'

**No mas ABUSO!**






**MINISTER OTMAR ODUBER**
**Minister di Desaroyo Teritorial, Infraestructura y Medio Ambiente**

## FASE 2 DI TRABOUNAN TA SIGUI NA ARUBA CARNIVAL & ENTERTAINMENT VILLAGE!!

Fase 2 di e trabounan di expansion di Aruba Carnival & Entertainment Village ta encera tres edificio/kiosko ambos banda (total 6) y construccion di bañonan. Fase 1 tabata realisacion di e bunita mural cu reconocimiento di artistanan, Fontein y dos 'ticket booths'! Kioskonan (estilo linear park) y bañonan lo tin entrada di paden y di pafo pa esnan cu ta haci uzo di e establecimiento ora cu por ehempel nan ta warda pa autobus! Pero lo por habri parti paden tambe pa ora cu tin evento. E trabounan tin un duracion di 6 luna pues ta programa pa finalisa na September!

E prome fase di trabounan di expansion di Aruba Carnival & Entertainment Village a conclui na momento cu a termina cu e mural di fama. E di dos fase ta hopi importante pasobra esaki ta crea un desarpyo nobo economico (tipo linear park), pa cual a cuminsa traha e prome seis kioskonan. Minister Oduber a splica cu e intencion ta cu esaki ta bira un sitio pa trek nos localnan y specialmente esnan cu ta biba den e barrio y no solamente turista. Creando oportunidad economico den e area conhuntamente cu e infraestructura di tin baño publico. E chauffeurnan di autobus cu ta para net dilanti di Carnival & Entertainment Village awor tambe lo tin area pa refresca dunando e area un uzo adicional.

E kioskonan lo habri di ambos banda di e cura di Carnival Village haciendo e posibel cu nan por sirbi comunidad henter aña door di e parti pafo, pero ora cu tin evento nan por habri y bende di paden tambe. Diferente persona ta puntra con nan por bin na remarke pa un di e kioskonan aki, pa cual ta informa cu e peticion meter drenta na DIP cu lo evalua esaki. E vision pa e kioskonan ta pa bin cu conceptonan cu ta mantene e característica di San



Nicolas, manteniendo e parti tipico, historico y cultural.

E proyecto a inicia na maart y tin un duracion di 6 luna, pa cual ta premira cu e fase 2 lo termina na luna di September.

Dibiaha despues di esaki lo inicia cu e di tres y ultimo fase cu ta encera e stage permanente di Carnival & Entertainment Village conhuntamente cu oficina pa organisacionnan por opera for di e sitio, Minister Otmar Oduber a termina bisando.




# Expansion Carnival Village San Nicolas

3 Kiosk Buildings South Side + Restrooms  
Construction begins March 2019



De Minister van Ruimtelijke Ontwikkeling, Infrastructuur  
en Milieu






 A portrait of Minister Xiomara Ruiz-Maduro, a woman with dark hair wearing a yellow jacket, smiling.
 **MINISTER XIOMARA RUIZ-MADURO**
**Minister di Finansa, Asuntonan Economico y Cultura**

# BUNITA DESFILE DI GRUPONAN SCOUT RIBA DIA DI REY

## Un publico grandi a presencia esaki

Diasabra ultimo nos a celebra Dia di Rey. Despues di e bunita acto protocolar na Plaza Wilhelmina y entrega Copa Gobernador Felipe B. Tromp y premio estimulo na nos hobenan cu a destaca riba e tereno social, cultural y deportivo a sigui un desfile di gruponan scout.

Un cantidad grandi di miembronan di diferente grupo scout di Aruba a marcha, dilanti Gobernador di Aruba, Mandatario y Invitadonan, na honor di Su mahestad Rey Willem Alexander, na ocasion di su cumpleaños. Un publico grandi a presencia e acto organisa na Plaza Wilhelmina.







Minister di Finansa,  
Asuntunan Economico y Cultura

**FELIZ DIA DI OBRERO**  
— 1 di mei 2019 —



Feliz Dia di Obrero na tur hende cu ta traha na bienestar  
di e desaroyo economico di Aruba cu e meta di  
un bida digno den mente y curason.

*mr. Xiomara Ruiz-Maduro*



**MINISTER GLENBERT CROES**

Minister di Asunto Social y Labor



## MAS DI E DIALOGO TRIPARTIET SOCIAL LABORAL







<p>ROBERT THIEL RIBA WIEL V &amp; FRIENDS BANDA BRINDIS ZONIDO DI ANTAÑO CAHA DI ORGEL</p>	<p>GRUPO DI BAILE DI LIA LOPEZ GRUPO DI BAILE CHAZ MODELS</p>	<p>KIDS CORNER DINO JUMP COS DUSHI</p>	<p>TENTNAN PA CUMINDA ARTESANIA BENTA DI MATA</p>
<p>ENTRETENIMIENTO MUSICAL</p>	<p>SHOW DI BAILE</p>	<p>PA NOS MUCHANAN</p>	<p>BENTA CULTURAL</p>

**Dia di Famia**  
Celebracion riba dia di Santa Cruz  
**5 MEI 2019**

**ORARIO:**  
11:00AM - 5:00PM

**LUGA:**  
PARKINGLOT PARIBA DI  
MISA INMACULADA CONCEPCION  
NA SANTA CRUZ

GOBIERNO DI ARUBA  
GABINETE WEVER-CROES




**MINISTER ANDIN BIKKER**
**Minister di Husticia, Seguridad y Migracion**

# PROME DI JUNI LO BAY TIN UN MELD CODE PA AVISA SI UN MENOR SU INTEGRIDAD TA SER TACHA

**segun Minister di Husticia mr. Andin Bikker**

Minister di Husticia mr. Andin Bikker ta bay presenta un plan integral na Consejo di Minister como Parlamento pa adresa e tema preocupante di abuso di menor contra su integridad. Segun e mandatario, Aruba tin e problema aki for di tempo cu Minister Bikker tabata den Parlamento.

Na 2010 tabatin un comision cu a keda instala pa bay riba e tema aki. Minister Bikker a bisa prensa dialuna, cu el a sinta studia tur e ley cu tin actualmente y a bin cu un plan integral unda a firma e decreto necesario pa entrante prome di juni bin cu un meld code. E meld code ta pa tur persona cu ta traha den diferente tereno di trabou cu tin di haber cu e tema aki y nan por avisa di biaha si constata cu un menor di edad su integridad ta ser tacha y pa meld mesora.

Den codigo civil articulo 234/243 esaki ta para, y lo bay adelanta riba dje y decreta cu prome di juni e meld code ta bira realidad. Den concepto di Minister Bikker, tin hopi castigo cu ta hopi abou. Por ehempel e castigo pa sugar daddies, unda personanan cu ta haci promesa pa purba induci menornan di edad y e castigo pa esaki ta cuater aña. Segun Minister Bikker e ta haya e castigo hopi abou y lo bay redobla e castigo. Por ehempel castigo di ocho aña tin pensa di manda nan te 15. Tambe a analisa e codigo penal cu a introduci na 2014.

Lo cambia e articulo 131 di e codigo penal di 2014, caminda un persona cu comete un acto asina no ta bin na remarca pa ser laga liber mas tempran. Awor aki, e articulo 131 di e codigo penal 2014 ta bisa cu asina e persona sinta 2/3 parti

automaticamente e ta bin na remarca pa ser laga liber. Minister Bikker no ta haya esaki husto y ta bay kita e ley aki. Fuera di esey ora ministerio publico trata un caso asina lo cambia e maneho y pidi castigo hopi halto.

Actualmente na Parlamento tin un ley di iniciativa di parlamentarionan Sra. Marisol Lopez Tromp y Sr. Alan Howel den cual nan ta propone pa bin cu castigo

minimo. E tema aki tin hopi aña caba cu ta atendiendo, cu si ta introduci castigo minimo si of no y Minister Bikker ta pensa cu e mester bin. Pero e punto di salida ta, cu lo bin cu castigo minimo rigido pa e tipo di delitonan aki. Un plan integral cu ministerio di husticia ta bay presenta tanto na Consejo di Minister como Parlamento unda ta bay haci cambio rapido den ley pa loke ta e tema aki segun Minister di Husticia mr. Andin Bikker.

## NO MAS ABUSO!

contra hende muhe y  
nos muchanan

**Tur hende tin derecho di biba  
den libertad y seguridad.**

*Articulo 3 di Derechonan Humano*

**Ful peso di ley pa castiga  
esnan cu ta abusa...**





# LEERORKEST TA BAY DUNA MUCHANAN CU MENOS RECURSO E OPORTUNIDAD DI TOCA UN INSTRUMENTO

Minister Bikker contento cu e proyecto



Dialuna 29 di april, Minister di Husticia mr. Andin Bikker conhuntamente cu colega Minister encarga cu enseñansa Sr. Armando Lampe a reuni cu Sr. Marco de Souza kende ta fundado di e proyecto Leerorkest na Amsterdam Hulanda. Na Hulanda mas cu 3 mil mucha ta haya les na 18 scol basico y cada scol tin su orkesta. Corsou ya caba tin su Leerorkest y awor e proyecto aki ta yega Aruba unda el a ser ricibi cu man habri.

Segun Minister di Husticia mr. Andin Bikker, den cuadro di maneho cu ta exitoso pa combati y preveni criminalidad por a tuma nota cu na Hulanda ta bay hopi mas leu cu loke ta trata leyman penal y evita criminalidad. Pa mira esaki hopi mas amplio aki na Aruba tin Veiligheidshuis cu ta yuda den un fase preventivo pa esunnan vulnerabel no cay den mal caminda y pa nan por haya bek e bon caminda. E proyecto Leerorkest ta pas completamente den e maneho aki y esey a haci cu tanto na Hulanda como na Corsou e proyecto aki ta ser sosteni grandemente pa ministerio di Husticia.

Segun Minister di Husticia mr. Andin Bikker, momento cu Sr. Marco de Souza a trece na su atencion e proyecto Leerorkest, mesora den consulta cu colega Rudy Lampe encarga cu enseñansa a dicidi di consulta cu minister di husticia di Hulanda cu ta di bishita na Aruba y a propone un letter of intent. Hunto cu minister di husticia di Hulanda y tambe minister di enseñansa y minister di husticia a ehecuta esaki cu ta bira e prome paso, e prome piedra pa pronto Leerorkest pa Aruba. Lo bay haci un inventarisacion via un grupo di



trabou pasobra cada pais tin su retonan. Asina mira kico ta e miho solucion pa pais Aruba den cuadro di implementacion di e Leerorkest.

Segun Minister Bikker lo bay duna acceso na esunnan di menos recurso unda e

hoben por bay haya e oportunidad di toca un instrumento y den e cuadro ey participa den orkesta of mas orkesta. Den e reunion tambe tabata presente Sr. Johnny Croes kende ta representante di Nuevo Mundo Foundation.



## MINISTER ARMANDO LAMPE

Minister di Enseñansa, Ciencia y Desaroyo Sostenibel



# ACURIL 2019 NA ARUBA

Association of Caribbean University, Research and Institutional Libraries (ACURIL) ta tene su di 49 conferencia aki na Aruba di 2 pa 6 di juni 2019. Durante conferencia ta focus riba e Sustainable Development Goals (SDG's) cu ta e framework di UN 2030 agenda. Tema di e conferencia ta: 'Access and opportunity for all: Caribbean Libraries, Archives and Museums supporting the United Nations Sustainable Development Goals'

Biblioteca Nacional Aruba tin e honor di host y organisa e conferencia aki cu ta tuma lugar na Renaissance Aruba convention center. Lo tin presentacionnan di oradornan renombra, tayer, exhibicion di proveedornan di productonan y sistemanan pa bibliotecanan y centronan di informacion.

Sub-temanan ta:

1. Information services aimed at poverty alleviation and food security
2. Promote literacy and lifelong learning
3. Libraries and sustainability
4. Libraries contributing to peaceful and just societies
5. Integrated strategies to achieve multiple SDGs

Gustosamente e Local Organizing Committee di Aruba ta invita tur esnan interesa den e temanan interesante pa participa na ACURIL Conference. Registracion ta habri dentro di poco dia. ([acuril2019.participants@gmail.com](mailto:acuril2019.participants@gmail.com))

Artista local Ryan Oduber a traha e bunita logo pa e conferencia. E ta splica e diseño asina'ki: "The conch has a nurturing reference but is also still a means of communication through local and regional music. The "sound colors" are from the Sustainable Development Goals International logo and represents that we all are part of the problem, but most importantly: the solution".

*In September 2015 the member states of the United Nations (UN) adopted "Transforming our world: The 2030 agenda for sustainable development which includes Seventeen Sustainable Development Goals (SDGs) spanning economic, environmental and social development. Caribbean librarians and other information professionals contribute to improved outcomes across the SDGs by promoting universal literacy, closing gaps in access to information, advancing digital inclusion, serving as the heart of the research and academic community and preserving and providing access to the world's culture and heritage.*



# Save the Date

JUNE

2-6

2019

## Bon Bini to Aruba!

### ACURIL

CONFERENCE FOR CARIBBEAN INFORMATION PROFESSIONALS

Access and Opportunities for all  
How can Libraries, Archives, Museums and other Information Institutions contribute to the Agenda 2030.

THE CONFERENCE WILL EXPLORE THE FOLLOWING TOPICS:

<p><b>Embracing</b></p> <p style="font-size: 0.8em;">The UN 2030 Agenda for Sustainable Development, a framework of 17 SDG's and the progress that has been made in the implementation of the SDG's.</p>	<p><b>Focus</b></p> <p style="font-size: 0.8em;">on the roles of Libraries, Archives, Museums and other Information Institutions in achieving those SDG's.</p>	<p><b>Best Practices</b></p> <p style="font-size: 0.8em;">What can we do? How can we help? Who are already using the SDG's in their daily business.</p>	<p><b>Achievement</b></p> <p style="font-size: 0.8em;">Develop policy recommendations for Caribbean Governments on how to involve libraries, archives, museums and other information institutions in the achievement of the SDG's on a local level.</p>
--	--	---	---

We are looking forward to welcome you to the 49<sup>th</sup> ACURIL Conference. Registration opens in October 2018. Conference update at [www.biblioteca nacional.aw](http://www.biblioteca nacional.aw)



# STUDIANTENAN DI INSTITUTO PEDAGOGICO ARUBANO A DESAROYA UN ACTIVIDAD DI LESA BUKI Y UN PAKETE DI MATERIAL DIDACTICO



Pa e modulo Lesa buki, conta storia y hunga cu idioma e studiantenan di prome aña di e estudio di maestro pa Enseñansa Primario mester a desaroya un actividad di lesa buki y un pakete di material didactico cu nan por uza durante nan practica ora di duna actividad di conta storia. Tambe nan mester a presenta esaki pa medio di un miniles. E meta principal di e modulo aki ta pa conscientisa e studiantenan tocante e aspecto di uzo di bos.

Ademas e modulo aki ta siña nan entre otro: con pa reconoce e diferente aspectonan di nan propio bos y cua aspecto e estudiante por mantene y cua e mester cambia. Tambe ta duna e studiantenan herment pa nan mes sigui desaroya nan bos. Di e manera aki nan ta cuminsa prepara pa un profesion cu ta bay exige hopi uzo di bos.






 A portrait of Minister Dangui Oduber, a man with short dark hair, wearing a dark suit, white shirt, and a pink tie. He is smiling and looking directly at the camera. The background behind him is a light blue and white pattern.
 **MINISTER DANGUI ODUBER**
**Minister di Turismo, Salud y Deporte**

## MINISTER DANGUI ODUBER: PROME EDICION DI ISLAND FEST LO TA DIA 29 DI MEI!

Siman pasa den conferencia di prensa Minister di Turismo sr. Dangui Oduber a anuncia cu 29 di mei binidero lo tin e prome edicion di Island Fest. Despues di hopi contratiempo esaki lo ta un realidad, e festival aki lo reemplasa loke tabata e Carubian Festival.

Pa sostene e maneho di Turismo unda ta trece turistanan di calidad, a crea Island Fest. Island Fest lo organisa 1 evento pa luna, cu lo ta den e districto di San Nicolas. E festival aki lo duna e turista e valor pa su placa. A scohe e fecha di 29 di mei pa e prome edicion, esaki debi cu ta high season y ta den e siman di Soul Beach Music Festival.

“Den e siman nan cu ta sigui lo tene un conferencia di prensa unda lo duna mas detayes over di Island Fest y con esaki lo ta. Tambe pa invita e comunidad pa sostene e evento aki pa e bira un exito rotundo” esei Minister Oduber a bisa.

Minister Oduber ta kere firmemente den desaroyo economico pa San Nicolas y Island Fest ta forma parti di e desaroyo aki. Ta hopi atencion ta wordo duna pa stimula movecion, stimula trafico di hende y actividad economico. Minister Oduber di awor caba ta invita comunidad di Aruba pa asisti na e evento grandi aki dia 29 Mei 2019.

*Reserva e Fecha*  
*29 Mei 2019*



*San Nicolas*

**THE WAIT IS OVER!**



MINISTERIO DI TURISMO,  
SALUBRIDAD PUBLICO  
y DEPORTE



ESPECIALMENTE NA  
ESNAN CU TA LABORA DEN  
SECTOR DI TURISMO, SALUBRIDAD Y  
DEPORTE DI NOS PAIS ARUBA

**1 MEI 2019**

#MINTVS



## Prome Minister Evelyn Wever-Croes:

# Topico cu a wordo trata na Sint Maarten den e Reunion KOB: E IMPACTO DI E CRISIS MIGRATORIO DI VENEZUELA



Durante e reunion anual Koninkrijksoverleg Buitenlandse Betrekkingen cu a tuma luga dialuna na Sint Maarten, e Prome Mandatarionan di Aruba, Sra. Evelyn Wever-Croes, di Sint Maarten, Sra. Leona Marlin-Romeo y di Corsou, Sr. Eugene Rhuggenaath y Minister di Relacion Exterior di Hulanda, Stef Blok, a elabora riba e punto di agenda Venezuela.

E punto principal riba e topico aki ta e hecho cu nos mester coordina tur esfuerzo y alinea tur strategia pa por sali afo fuerte. Den esaki no tin espacio pa un pais sali dilanti sin consulta cu otro. Ta hopi importante den decisionnan cu mester wordo tuma, tene cuenta cu e posicion di e islanan, mirando cu Aruba y Corsou ta e islanan mas cerca di Venezuela. Prome Minister Evelyn Wever-Croes a haci peticion na Hulanda cu ni maske cuanto presion Union Europeo of Merca pone riba nan, mester consulta cu e islanan.

Prome Minister a splica tambe cu Aruba ta convivi cu Venezuela pero na e momento aki nos mester pensa riba Aruba, pasobra si nos no pensa riba Aruba, ken ta hasi'e?

Aruba tin caba miles di persona ilegal y indocumenta di Venezuela di cual centenares ta muchanan kendenan ta bay scol. Esaki ta pone un presion in husto y grandi riba nos na Aruba.

Gobierno di Aruba ta deal cu e presion aki y ta busca apoyo di Hulanda y organisacionnan internacional pa yuda nos den

esaki. Ya caba Hulanda a duna di conoce cu nan lo no yuda cu placa sino mas bien cu experticio locual Gobierno ta aprecia tambe mientras ta buscando fondonan for di otro instancianan.

Actualmente Gobierno tin proceduranan pa atende cu hopi peticionnan di asilo y ta cumpli cu derecho humano di tur hende. E crisis migratorio na Venezuela y su impacto na Aruba ta afecta nos seguridad, nos finanzas publico y finalmente e bienestar di nos pueblo. Gobierno di Aruba ta hopi preocupa pa esaki y ta un reto tur dia pa mantene e balanse entre e aspectonan aki.

Prome Minister Evelyn Wever-Croes: "Pesey mi a splica durante e reunion cu cu duele na nos curason cu talves nos kier yuda mas, pero nos no por yuda mas na e momentonan aki. Awo nos mester yuda Aruba y nos mester yuda nos mes. Hulanda a compronde e mensahe y ta sostene e posicion di Aruba den esaki. Esaki ta igual pa Corsou y Sint Maarten. A keda palabra cu lo keda den contacto cu otro riba e tema aki, y na momento cu tin mester di ayudo y asistencia, por bati na porta di Hulanda. Palabracionnan a keda haci tambe pa fiha e miho forma pa encamina e proceso pa Aruba yega na e fondonan internacional di Nacionnan Uni y di Union Europeo hunto cu Hulanda pa asina nos por traha riba e Proyecto y programanan cu nos tin den e cuadro di e crisis di Venezuela."



## Prome Minister Evelyn Wever-Croes:

# Topico cu a wordo trata na Sint Maarten den e Reunion KOB: OPORTUNIDADNAN DI COMERCIO Y ECONOMICO PA NOS PAIS



Dialuna a tuma luga na Sint Maarten e reunion anual Koninkrijksoverleg Buitenlandse Betrekkingen. Esaki ta un reunion entre Minister President di Aruba, St. Maarten y Corsou y Minister di Relacion Exterior di Hulanda. Relacionnan Exterior ta un asunto cu ta regada Reino y durante reunion anual aki, ta trata diferente topico ampliamente.

Un topico hopi importante cu a haya atencion ta e topico di Comercio y oportunidadnan economico. Prome Minister Evelyn Wever-Croes a expresa cu Aruba recientemente a publica nos vision economico y den e reunion a keda palabra cu den cuadro di Reino y embahadanan di Reino rond mundo, lo haci uzo di instrumentonan pa promove e agenda economico y atrae inversionistanan. Esaki ta crea oportunidadnan pa Aruba haya mas inversionista.

Tambe a haci palabracionnan cu lo colabora mas den organisacionnan regional manera Eclac y Caricom cu tin cierto beneficiannan pa islanan manera Aruba, y especialmente pa Aruba por tin acceso na fondonan di e organisacionnan

internacional aki. Den esaki a discuti tambe e consecuencianan di Brexit y e fondonan cu Union Europeo ta pone disponibel pa e islanan LGO, entre otro Aruba, Corsou y Sint Maarten. Hulanda a compromete pa haci su maximo esfuerzo pa e fondonan cu Union Europeo ta pone disponibel no wordo reduci despues cu Inglatera sali di Union Europeo aki 6 luna.

Manera ta conoci ta a traves di Union Europeo, Aruba ta gosando di financiamiento di proyectonan importante, sin costo alguno. E facultad nobo na Universidad, e SISSTEM ta un di e proyectonan importante y Aruba no kier perde mas oportunidad asina den futuro. E compromiso di Hulanda ta un prome paso. Awor mester warda riba e decision di Union Europeo riba esaki.

“Pa Aruba, e punto aki di agenda ta hopi importante especialmente mirando cu nos a publica recientemente e vision economico y e desaroyo economico cu Aruba kier atrae. Hunto nos ta mas fuerte para pa atrae inversionistanan pa nos logra nos vision economico”, Prome Minister a duna di conoce.





GOBIERNO DI *ARUBA*

*un  
Feliz Dia*

ISLAONLINE  
PA INFORMACION  
CORECTO Y BERDAD